



Le Symbole de Nicée en créole seychellois

Nou kwar dan en sel Bondye,
Papa-Toupwisan, kreater lesyel, later
ek tou keksoz: sa ki vizib ek envizib.

Nou kwar dan en sel Senyer,
Zezi Kri, sel Garson Bondye,
i egziste avek son Papa depi touzour.
Limenm Bondye ki sorti avek Bondye,
limenm lalimyer ki sorti avek lalimyer,
limenm vre Bondye ki sorti avek vre Bondye.
I ti egziste san ki i ti ganny kree.
I menm natir avek son Papa,
e tou keksoz in kree par li.

I ti desann sorti dan lesyel pou sov nou.
Par pwisans Sent-Espri,
i ti pran natir imen dan lavyerz Mari.
I ti ganny krisifye pour nou par zizman Pons Pilat.
I ti soufer, i ti mor, e zot ti met li dan tonbo.
Trwazyenm zour i ti resisite
parey Lekritir ti'n dir.
I ti mont dan lesyel, i asiz lo kote drwat Bondye.
I pou retournen dan laglwar
pour ziz bann vivan ek bann mor,
e son renny pa pou zanmen fini.

Nou kwar dan Sent-Espri,
ki Senyer e ki donn lavi.
I sorti avek Bondye-Papa.
Avek Bondye-Papa ek Bondye-Garson,
i ganny menm adorasyon ek menm laglwar.
In koz par bann profet.

Nou kwar dan en sel Legliz,
sen, katolik e apostolik,
Nou rekonnèt en sel batenm ki pardonn pese.

Nou esper larezireksyon bann mor
ek lavi eternal. Amenn.

Reproduit avec l'aimable autorisation de [l'Église protestante réformée](#) de Ballimena, en Irlande du Nord, au Royaume-Uni.

www.ressourceschretiennes.com



2022. Utilisé avec permission. Cet article est sous licence Creative Commons.
Paternité – Partage dans les mêmes conditions 4.0 International ([CC BY-SA 4.0](#))